

Odiyifo Sefania Nhoma

¹ AWURADE aseɓ a eɓaa Sefania a ɔye Kusi ba, Gedalia ba, Amaria ba, Hesehia ba nkyen ni. Eɓaa Yudahene Yosia a ɔye Amon ba no bere so.

Atemmu A Etia Yuda

- ² “Mepra biribiara afi asase so”
nea AWURADE se ni,
- ³ “Mepra nnipa ne mmoa nyinaa;
mepra nnomaa a wɔwɔ wim
ne mpataa a wɔwɔ po mu nyinaa.
Atirimodenfo benya wura a esum ho nko
ara,
se mesɛe adesamma a wɔwɔ asase yi so a,”
nea AWURADE se ni.
- ⁴ “Meɛteɛ me nsa wɔ Yuda
ne wɔn a wɔte Yerusalem nyinaa so;
na mesɛe Baal ho biribiara a aka wɔ ha,
na masɛe abosonsomfo ne akomfo asofo no
din
- ⁵ wɔn a wɔkotow sore wɔn adan atifi,
de sore abode a ewɔ wim,
wɔn a wɔkotow de AWURADE ka ntam
na wode Molek nso ka ntam,
- ⁶ wɔn nso a wogyae AWURADE akyidi
na wɔnhwehwe AWURADE anaa wommisa
n’ase.”
- ⁷ Monye komm wɔ Asafo AWURADE anim,
efise, AWURADE da no aben.

AWURADE asiesie afɔrebɔde;
wɔdwira wɔn a wato nsa afre wɔn no ho.

8 “AWURADE afɔrebɔ da no,
metwe mmapɔmma
ne ahenemma
ne wɔn a wɔhyehye
ananafo ntade nyinaa aso.

9 Saa da no metwe wɔn
a wɔkwati apongua no nyinaa aso.
Wɔn a wɔde akakabensem
ne asisi hyehye wɔn abosomfi amaama no.

10 “Saa da no,”
senea AWURADE se ni,
“Osu befi Mpataa Pon ano,
agyaadwotwa befi Atenae Foforo
na nnyigyei a ano ye den afi nkoko no so aba.

11 Muntwa adwo, mo a mote adetɔnbea ho no
wɔbetɔre wɔn a mo ne wɔn di gua ase,
dwete aguadifo nyinaa nso wɔbesɛɛ wɔn.

12 Mede akanea bekyin ahwehwe Yerusalem mu
na matwe wɔn a wogyaagyaa wɔn ho aso,
wɔn a wɔte sɛ bobesa puw no,
a wodwen se, ‘AWURADE renyɛ hwee
sɛ eyɛ papa anaa bɔne no.’

13 Wɔbefom wɔn ahonyade,
na wɔabubu wɔn afi agu.
Wobesisi afi, nanso wɔrentena mu
wɔbeyɛ bobɛ mfuw
nanso wɔrennom mu nsa.”

AWURADE Da Kese No

14 AWURADE da kese no abɛn,
abɛn na ɛreba ntem so.

Tie! Osu a wobesu AWURADE da no beye yaw,
 okofo a ɔwɔ ho nso nteemu beye saa ara.

15 Saa da no beye abufuw da,
 eye ahoyeraw ne ɔyaw da;
 eye amanehunu ne ɔsee da,
 eye esum ne kusukuukuu da
 eye omununkum ne kusuuwe da,
 16 eye ntorobentohyen ne oko nteemu
 a etia nkuropon a ewɔ bammɔ
 ne ntwɔtwɔw so abantenten da.

17 “Mede awerehow beba nnipa no so
 na wobenantew se anifuraefo,
 efise wɔaye bone atia AWURADE.
 Wobehwie wɔn mogya agu se mfutuma,
 na wɔn ayamde nso se atantanne.

18 Wɔn dwete anaa sikakokɔ
 rentumi nnye wɔn nkwa
 wɔ AWURADE abufuw da no.”

Ne ninkutwe mu gya no
 behyew ɔman no nyinaa,
 na ɔbema asase no so tefo nyinaa nkwa
 aba awiei mpofirim.

2

1 Mommoaboa mo ho ano, mommoaboa mo ho
 ano,
 mo, animguaseman,

2 ansa na bere a wɔahye no adu,
 na da no resen te se ntete,
 ansa na AWURADE abufuwhyew no
 aba mo so,
 ansa na AWURADE abufuw da no

aba mo so.
 3 Monhwehwɛ AWURADE, ahobɔɛasefo a mowɔ
 asase so,
 mo a moyɛ n'ahyɛde.
 Monhwehwɛ trenee, monhwehwɛ ahobɔɛase;
 ebɪa ɔbɛkora mo so
 AWURADE abufuw da no.

Atemmu A Etia Filistia

4 Wobegyaw Gasa
 na wɔagyaw Askelon sɛ amamfo.
 Owigyinae na wɔbɛma Asdod ada mpa mu
 na wɔatutu Ekron ase.
 5 Munnue, mo a mote mpoano,
 mo Keretifo;
 AWURADE asem tia mo.
 Kanaan, Filistifo asase.
 Mɛtɔɔre mo ase,
 na obiara renka.
 6 Asase a ɛda mpoano, faako a Keretifo te
 bɛyɛ atɛnae ama nguanhwɛfo
 ne wɔn nguannan.
 7 Saa asase no bɛyɛ Yudafi nkae no de;
 ɛhɔ na wobɛnya mmoa adidibea.
 Anwummere, wɔbɛdeda wɔ
 Askelon afi mu.
 Na AWURADE, wɔn Nyankopɔn behwe wɔn,
 na ɔde wɔn ahonyade nyinaa besan ama
 wɔn.

Atemmu A Etia Moab Ne Amon

8 “Mate Moab nsopa ne
 Amonfo atweetwee;
 wɔn a wɔsopaa me nkurofo
 na wohunahunaa wɔn wɔ wɔn asase ho.
 9 Enti sɛ mete ase yi,”
 sɛnea Asafo AWURADE,

Israel Nyankopɔn, se ni,
 “Ampa ara Moab bɛyɛ sɛ Sodom,
 na Amonfo ayɛ sɛ Gomora,
 faako a nwura ne nkyene amoa wɔ,
 bɛyɛ asase a ɛda mpan afeɔɔ.
 Me man nkae bɛfow wɔn afa;
 me manfo a wobɛnya wɔn ti adidi mu no
 bɛfa wɔn asase.”

10 Wɔn ahantan so akatua a wobɛnya ni,
 sɛ wɔyeyaw na wodi Asafo AWURADE
 nkurofo ho fɛw nti.

11 AWURADE ho suro bɛba wɔn so
 bere a ɔbɛsɛɛ asase no so anyame nyinaa.
 Mpoano aman nyinaa bɛsɔre no,
 wɔ wɔn ankasa wɔn asase so.

Atemmu A Etia Kus

12 “Mo Etiopiafo nso,
 m’afɔa ano na wobekunkum mo.”

Atemmu A Etia Asiria

13 AWURADE bɛtɛɛ ne nsa wɔ atifi aman so
 na waseɛ Asiria,
 na wama Ninewe ada mpan koraa
 na so awo woseɛ sɛ nwea pradada so.

14 Nguankuw ne anantwi bɛdeda hɔ,
 mmoadoma nyinaa.

Sare so patu ne abonsamnoma
 bɛtena n’adum no so.
 Wɔn su begyigye afa mɛnsere mu,
 nnwiriwii besisiw apon ano akwan,
 mpuran a wɔde sida ayɛ no ho bɛdeda hɔ.

15 Eyi ne kuropɔn a edi ahurusi
 na ɛte asomdwoe mu.

Ɔhoahoaa ne ho se,
 “Me ne no, obiara nte se me.”
 Hwe senea atetew apansam,
 na aye nkekammoa atenae!
 Obiara a otwa mu wo ho no serew no,
 him ne nsa fewdi so.

3

Yerusalem Daakye

- 1 Nnome nka nhyesofo kuropon
 atuatew kuropon a ho agu fi!
- 2 Ɔnye osetie mma obiara
 onnye nteeso biara nto mu.
 Ɔmfa ne ho nto AWURADE so.
 Ontwiw mmen ne Nyankopon.
- 3 N’akannifo ye gyata a wobobo mu,
 ne sodifo ye mpataku a wonam anadwo,
 a wonnya biribiara mma adekyee.
- 4 Ne nkomhyefo ye ahantan;
 woye afatwafo.
 N’asofo gu kronkronbea ho fi.
 Wonam mmara no so di nsemme.
- 5 AWURADE a ɔte ne mu no ye ɔtreneeni;
 ɔnye mfomso biara.
 Adekyee biara, ɔda ne trenee adi,
 na onni huammɔ da,
 nanso amumoyefo de, wonnim aniwu.
- 6 “Masee amanaman;
 madwiriw won abandennen agu.
 Won mmoron so adeda mpan,
 a obiara ntwam mu ho.
 Wɔasee won nkuropon;
 a obiara renka.
- 7 Meka kyereɛ kuropon no se,

‘ampa ara wubesuro me
na woagye nteeso ato mu!’
Na afei ne tenabea rensɛɛ,
na m’asotwe biara nso remma no so.
Nanso wɔn ho peree wɔn
sɛ wɔbɛkɔ so ayɛ bɔne, wɔn nneyɛɛ nyinaa
mu.

8 Enti twɛn me,” sɛnea AWURADE se ni,
“na da no mesɔre adi adanse.
Mayɛ m’adwene sɛ mɛboaboa amanaman
ne ahenni ano
na mahwie m’abufuw agu wɔn so
m’abufuwwhyew nyinaa.
Me ninkutwe abufuw gya mu no,
asase nyinaa bɛhyew.

9 “Afei medwira nnipa no ano,
na wɔn nyinaa abɔ AWURADE din
na wɔaka abɔ mu asom no.

10 M’asomfo, me nkurofo a wɔabɔ ahwete no
befi nsubɔnten a ɛwɔ Kus noho
de wɔn afɔrebɔde abre me.

11 Saa da no, wo Yerusalem, wɔrengu w’anim ase
wɔ nneyɛɛ bɔne a woayɛ atia me ho,
efisɛ meyi afi saa kuroɔn yi mu,
wɔn a wodi ahantan mu ahurusi,
na worenɛ ahantan bio
wɔ me bepɔw kronkron no so.

12 Nanso megyaw wɔ wo mu
wɔn a wodwo na wɔbrɛ wɔn ho ase,
na wɔde wɔn ho to AWURADE so no.

13 Wɔrenɛ bɔne biara;
wɔrenka nkontomposɛm,
na wɔn ano renka nnaadaasɛm
wɔbedidi na wɔada,

na obiara renyi wɔn hu.”

- 14 To dwom, Ɔbabea Sion;
teɛ mu dennen, Israel!
Ma w’ani nnye, na di ahurusi wɔ wo koma
nyinaa mu,
Ɔbabea Yerusalem!
- 15 Efise AWURADE ayi w’asotwe afi wo so,
wama wo tamfo asan n’akyi.
AWURADE, Israelhene ka wo ho;
worensuro ɔhaw biara bio.
- 16 Saa da no, wɔbɛka akyerɛ Yerusalem se,
“Nsuro, Sion!
Mma wo nsa mu ngow.
- 17 AWURADE wo Nyankopɔn ne wo wɔ ho,
Ɔye ogyefo ɔhoodenfo.
N’ani begye wo ho
ne dɔ mu, ɔrenka w’anim bio,
ɔde nnwonto bedi wo ho anigye.”
- 18 “Meyi wɔn a wodi awerɛhow
wɔ w’afahyɛnna ahorow a woahwere;
a ayɛ adesoa ne aninguase ama wo no ho.
- 19 Saa bere no me ne wɔn
a wɔhyɛɛ wo so nyinaa bedi.
Megye mmerɛwyɛfo
na mɛboaboa wɔn a wɔabo wɔn ahwete no
ano.
Mekamfo wɔn ahyɛ wɔn anuonyam
asase biara a woguu wɔn anim ase wɔ so no
so.
- 20 Saa bere no, mɛboaboa mo ano;
saa bere no, mede mo bɛba fie.
Mɛhyɛ wo anuonyam na makamfo mo

wo asase so nnipa nyinaa mu
bere a mede mo ahonyade besan ama wo
na mode mo ani behu no,”
senea AWURADE se ni.

**Biblica® Wonhia εho kwamma nhoma
Akuapem Twi Nkwa Asem™
Twi: Biblica® Wonhia εho kwamma nhoma
Akuapem Twi Nkwa Asem™ (Bible)**

copyright © 2020 Biblica, Inc.

Language: Akuapem Twi (Twi)

Dialect: Akuapem

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at www.biblica.com and open.bible.”

Notice of copyright must appear on the title or copyright page of the work as follows:

Biblica® Open Akuapem Twi Contemporary Bible™

Copyright © 1996, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

Biblica® is a trademark registered in the United States Patent and Trademark Office by Biblica, Inc. and may not be included on

any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-04-09

PDF generated using Haiola and XeLaTeX on 22 Feb 2024 from source files dated 29 Jan 2022

db9c1a75-e6f7-5999-979b-02f8eb612f40